




弘化
改正

古文前集

上

~ 16
378
1



古文眞寶序

自六藝不講而世之誨小學者必先以語孟而
 次以古文亦餘力學文之意也眞寶之編首有
 勸學之作終有出師陳情之表豈不欲勉之以
 勤而誘之以忠孝乎此編者之微意也惜乎舊
 所乘行率多刪畧註釋不明讀者憾焉有三山
 林以正先生者授徒之暇閱市而求書未善者
 正之繁者芟之畧者詳之必歸於至當而後已

利 413
 所 16
 號 378
 東 考

序
 多
 降



若此書撮大意於篇題之下。精明訓解於句讀之間。非惟使幼學之士得有所資。而挾免園冊於黨庠術序之間者。亦免箝口之譏矣。予寓書林六年。得一善士而與之友者。必先生之高第也。來後去先。雖不及會。然觀其徒。則可以知其師矣。一日有章余君語予曰。古文真寶先師用心之勤矣。猶未有以題其首。非缺歟。盍請序之。予不獲辭。遂述其槩而為之書。

至正丙午孟夏

盱江後學鄭本土文序

孫子兵法 卷之五 孫子兵法 卷之五

Blank page with vertical lines for text.

魁本大字諸儒箋解古文真寶卷之上前集

○勸學文

真宗皇帝勸學

富家不用買良田。書中自有千鍾粟。安居不用
架高堂。書中自有黃金屋。出門莫恨無人隨。書
中車馬多如簇。娶妻莫恨無良媒。書中有女顏
如玉。男兒欲遂平生志。六經勤向窓前讀。

仁宗皇帝勸學

古文前集上

朕觀無學人。無物堪比倫。若比於草木。草有靈
芝木有椿。若比於禽獸。禽有鸞鳳。獸有麟。若比
於糞土。糞滋五穀。土養民。世間無限物。無比無
學人。

司馬溫公勸學歌

養子不教。父之過。訓導不嚴。師之情。父教師嚴
兩無外。學問無成。子之罪。暖衣飽食。居人倫。視
我笑談。如土塊。攀高不及。下品流。稍遇賢才。無

與對。勉後生。力求誨。投明師。莫自昧。一朝雲路
果然登。姓名亞等呼。先輩室中若未結。親姻自
有佳人求匹配。勉旃汝等。各早修。莫待老來徒
自悔。

柳屯田勸學文

父母養其子而不教。是不愛其子也。雖教而不
嚴。是亦不愛其子也。父母教而不學。是子不愛
其身也。雖學而不勤。是亦不愛其身也。是故養

子必教。教則必嚴。嚴則必勤。勤則必成。學則庶人之子為公卿。不學則公卿之子為庶人。

王荆公勸學文

讀書不破費。讀書萬倍利。書顯官。人才。書添君子智。有即起書樓。無即致書櫃。窓前看古書。燈下尋書義。貧者因書富。富者因書貴。愚者得書賢。賢者因書利。只見讀書榮。不見讀書墜。賣金買書讀。讀書買金易。好書真難致。奉勸讀書人。

好書在日記

白樂天勸學文

有田不耕。倉廩虛。有書不教。子孫愚。倉廩虛兮歲月乏。子孫愚兮禮義疎。若惟不耕與不教。是乃父兄之過歟。

朱文公勸學文

勿謂今日不學而有來日。勿謂今年不學而有來年。日月逝矣。歲不我延。嗚呼老矣。是誰之愆。

符讀書城南
韓退之

木之就規矩。在梓匠輪輿。人之能為。由腹有
詩書。詩書勤乃有。不勤腹空虛。欲知學之力。賢
愚同一初。由其不能學。所入遂異閭。兩家各生
子。提孩巧相如。少長聚嬉戲。不殊同隊魚。年至
十二三。頭角稍相疎。二十漸乖張。清溝映汗渠。
三十骨骼成。乃一龍一豬。飛黃騰踏去。不能顧
蟾蜍。一為馬前卒。鞭背生蟲蛆。為公與相。潭潭

府中居。問之何因爾。學與不學歟。金壁雖重寶。
費用難貯儲。學問藏之身。身在則有餘。君子與
小人。不繫父母且。不見公與相。起身自犁鋤。不
見三公後。寒饑出無驢。文章豈不貴。經訓乃蓄
畬。潢潦無根源。朝滿夕已除。人不通古今。馬牛
而襟裾。行身陷不義。況望多名譽。時秋積雨霽。
新涼入郊墟。燈火稍可親。簡編可卷舒。豈不且
夕念。為爾惜居諸。恩義有相奪。作詩勸躊躇。

古文前集上
四

○五言古風短篇

清夜吟

邵康節

月到天心處風來水面時一般清意味料得少
人知

四時

陶淵明

春水滿四澤夏雲移奇峯秋月揚明輝冬嶺秀
孤松

訪道者不遇

僧無本

松下問童子言師採藥去只在此山中雲深不

知處

蠶婦

無名氏

昨日到城郭歸來淚滿巾遍身綺羅者不是養

蠶人

閔農

李紳

鋤禾日當午汗滴禾下土誰知盤中粒粒皆
辛苦

平昔讀李斯傳

李斯

欺暗常不然。欺明當自戮。難將一人手。掩得天

王昭君

李白

昭君拂玉鞍。上馬啼紅顏。今日漢宮人。明朝胡地妾。

劍客

賈島

十年磨一劍。霜刃未曾試。今日把似君。誰有不

平事

七步詩

曹子建

煮豆燃豆箕。豆在釜中泣。本是同根生。相煎何太急。

貪泉

吳隱之

古人云此水。一飲懷千金。試使夷齊飲。終當不

商山路有感

白居易

白居易集上

萬里路長在六年今始歸所經多舊館太半主人非

金谷園

無名氏

當時歌舞地不說草離離今日歌舞盡滿園秋露垂

遊子吟

孟郊

慈母手中線遊子身上衣臨行密密縫意恐遲遲歸難將寸草心報得三春輝

子夜吳歌

李太白

長安一片月萬戶擣衣聲秋風吹不盡總是玉關情何日平胡虜良人罷遠征

友人會宿

同

滌蕩千古愁留連百壺飲良宵宜且談皓月未能寢醉來卧空山天地即衾枕

雲谷雜詠

朱晦庵

野人載酒來農談日西夕此意良已勤感歎情

何極歸去莫頻來林深山路黑

傷田家

聶夷中

二月賣新絲五月糶新穀醫得眼前瘡剗却心
頭肉我願君王心化作光明燭不照綺羅筵徧

照逃亾屋

時興

楊賁

貴人昔未貴咸願顧寒微及自登樞要何曾問
布衣平明登紫閣日晏下彤圍擾擾路傍子無

勞歌是非

離別

陸魯望

丈夫非無淚不灑離別間仗劍對樽酒耻為遊
子顏蝮蛇一螫手壯士疾解腕所志在功名離

別何足論

古詩

無名氏

客從遠方來遺我一端綺文綵雙鴛鴦裁為合
歡被著以長相思緣以結不解以膠投漆中誰

古詩

能別離此

歸田園居

陶淵明

種豆南山下。草盛豆苗稀。晨理荒穢。帶月荷

鋤。歸道狹。草木長。夕露沾我衣。衣沾不足惜。但

使願無違。

問來使

同

爾從山中來。早晚發天目。我屋南山下。今生幾

叢菊。薔薇葉已抽。秋蘭氣當馥。歸去來山中。山

中酒應熟

王右軍

李太白

右軍本清真。瀟洒在風塵。山陰遇羽客。要此好

鷺賓。掃素寫道經。筆精妙入神。書罷籠鷺去。何

曾別主人

對酒憶賀監二首

同

四明有狂客。風流賀季真。長安一相見。呼我謫

仙人。昔好盃中物。今為松下塵。金龜換酒處。却

憶淚沾巾

又

狂客歸四明。山陰道士迎。勅賜鏡湖水。為君臺沼榮。人亡餘故宅。空有荷花生。念此杳如夢。淒然傷我情。

送張舍人之江東

同

張翰江東去。正值秋風時。天晴一鴈遠。海澗孤帆遲。白日行欲暮。滄波杳難期。吳洲如見月。千里

里幸相思

戲贈鄭漂陽

同

陶令日日醉。不知五柳春。素琴本無絃。鹿酒用葛巾。清風北窓下。自謂羲皇人。何日到栗里。一見平生親。

嘲王歷陽不肯飲酒

同

地白風色寒。雪片大如手。笑殺陶淵明。不飲盃中酒。浪撫一張琴。虛栽五株柳。空負頭上巾。吾

於爾何有

紫駟馬

同

紫駟行且嘶。雙翻碧玉蹄。臨行不肯渡。似惜錦

障泥。白雪關山遠。黃雲海戍迷。揮鞭萬里去。安

得念香聞

待酒不至

同

玉壺繫青絲。沽酒來何遲。山花向我笑。正好啣

盃時。晚酌東山下。流鶯復在茲。春風與醉客。今

日乃相宜

遊龍門奉先寺

杜子美

已從招提遊。更宿招提境。陰壑生靈籟。月林散

清影。天闕象緯逼。雲臥衣裳冷。欲覺聞晨鐘。令

人發深省

戲簡鄭廣文兼呈蘇司業

同

廣文到官舍。繫馬堂堦下。醉即騎馬歸。頗遭官

長罵。才名三十年。坐客寒無羶。近有蘇司業。時

時與酒錢

寄全椒山中道士

韋應物

今朝郡齋冷。忽念山中客。澗底東荆薪。歸來煮白石。遙持一盃酒。遠慰風雨夕。落葉滿空山。何處尋行迹。

和韋蘇州詩寄鄧道士

東坡

一盃羅浮春。遠餉採薇客。遙知獨酌罷。醉卧松下石。幽人不可見。清嘯聞月夕。聊戲庵中人。空

飛本無迹

足柳公權聯句

蘇子瞻

人皆苦炎熱。我愛夏日長。薰風自南來。殿閣生

微涼。一為居所移。苦樂永相忘。願言均此施。清

陰分四方

子瞻謫海南

黃山谷

子瞻謫海南時宰欲殺之。飽喫惠州飯。細和淵

明詩。彭澤千載人。東坡百世師。出處雖不同。氣

蘇子瞻謫海南時宰欲殺之飽喫惠州飯細和淵明詩彭澤千載人東坡百世師出處雖不同氣

味乃相似

少年子

同

青春少年子。挾彈章臺左。鞍馬四邊開。突如流星過。金丸落飛鳥。夜入瓊樓臥。夷齊是何人。獨

守西山餓

金陵新亭

同

金陵風景好。豪士集新亭。舉目山河異。偏傷周

顛情。四坐楚囚悲。不憂社稷傾。王公何慷慨。千

載仰雄名

長歌行

沉休文

青青園中葵。朝露待日晞。陽春布德澤。萬物生

光輝。常恐秋節至。焜黃華葉衰。百川東到海。何

時復西歸。少壯不努力。老大徒傷悲

雜詩

陶淵明

結廬在人境。而無車馬喧。問君何能爾。心遠地

自偏。採菊東籬下。悠然見南山。山氣日夕佳。飛

鳥相與還此間有真意欲辨已忘言

雜詩

同

秋菊有佳色裛露掇其英汎此忘憂物遠我遺

世情一觴雖獨進盃盡壺自傾日入群動息歸

鳥趨林鳴嘯傲東軒下聊復得此生

擬古

同

日暮天無雲春風扇微和佳人美清夜達曙酣

且歌歌竟長歎息持此感人多皎皎雲間月灼

灼葉中華豈無一時好不久當如何

鼓吹曲

謝玄暉

江南佳麗地金陵帝王州逶迤帶綠水迢遞起

朱樓飛甍夾馳道垂楊蔭御溝疑笳翼高蓋疊

鼓送華輶獻納雲臺表功名良河收

和徐都曹

同

苑洛佳遨遊春色滿皇州結軫青郊路回瞰蒼

江流日華川上動風光草際浮桃李成蹊徑桑

榆蔭道周東都已倣載言歸望綠疇

遊東園

同

戚戚苦無悰携手共行樂尋雲步累榭隨山望

菌閣遠樹暖芊芊生煙紛漠漠魚戲新荷動鳥

散餘花落不對芳春酒還望青山郭

怨歌行

班婕妤

新裂齊紈素皎潔如霜雪裁為合歡扇團圓似

明月出入君懷袖動搖微風發常恐秋節至涼

飈奪炎熱棄捐篋笥中恩情中道絕

雜詩

同

紈扇如圓月出自機中素畫作秦王女乘鸞向

煙霧采色世所重雖新不代故竊恐涼風至吹

我玉階樹君子恩未畢零落在中路

古詩

無名氏

迢迢牽牛星皎皎河漢女纖纖濯素手札札弄

機杼終日不成章涕泣零如雨河漢清且淺相

機杼終日不成章涕泣零如雨河漢清且淺相

去復幾許。盈盈一水間。默默不得語。

同

生平不滿百。常懷千歲憂。晝短苦夜長。何不秉

燭遊。為樂當及時。何能待來茲。患者愛惜費。俱

為塵世嗤。仙人王子喬。難可以等期。

綠筠軒

蘇子瞻

可使食無肉。不可居無竹。無肉令人瘦。無竹令人

俗。人瘦尚河肥。俗士不可醫。傍人笑此言。似

高還似癡。若對此君仍大嚼。世間那有揚州鶴

形下獨酌

李太白

花下一壺酒。獨酌無相親。舉盃邀明月。對影成

三人。月既不解飲。影徒隨我身。暫伴月將影。行

樂須及春。我歌月徘徊。我舞影凌亂。醒時同交

歡。醉後各分散。永結無情遊。相期邈雲漢。

春日醉起言志

同

處世若大夢。胡為勞其生。所以終日醉。頽然卧

前楹覺來盼庭前。一鳥花間鳴。借問如何時。春風語流鶯。感之欲歎息。對酒還自傾。浩歌待明月。曲盡已忘情。

蘇武

同

蘇武在匈奴。十年持漢節。白鴈上林飛。空傳一書札。牧羊邊地苦。落日歸心絕。渴飲月窟水。飢餐天上雪。東還沙塞遠。北愴河梁別。泣把李陵衣。相看淚成血。

雜詩

陶淵明

人生無根蒂。飄如陌上塵。分散逐風轉。此已非常身。落地為兄弟。何必骨肉親。得歡當作樂。斗酒聚比隣。盛年不再來。一日難再晨。及時當勉勵。歲月不待人。

歸田園居

同

野外罕人事。深巷寡輪鞅。白日掩柴扉。虛室絕塵想。時復墟曲中。披草共來往。相見無雜言。但

古今詩集上 七

弘仙校正 古交前集 廿七

道桑麻長桑麻日已長我土日已廣常恐雪霰
至零落同草莽

鼠鬚筆

蘇叔黨

太倉失陳紅狡穴得餘腐既興丞相歎又發廷

尉怒磔肉餒餓猫分鬚雜霜兔插架刀槩健落

紙龍蛇驚物理未易詰時來即所遇穿墉何卑

微託此得佳譽

妾薄命二首

陳無己

主家十二樓一身當三千古來妾薄命事主不

盡年起舞為主壽相送南陽阡忍著主衣裳為

人作春妍有聲當徹天有淚當徹泉死者恐無

知妾心長自憐

又

同

葉落風不起山空花自紅捐世不待老惠妾無

其終一死尚河忍百歲何當窮天地豈不寬妾

身自不容死者如有知殺身以相從向來歌舞

弘仙校正

古交前集七

廿七

地夜雨鳴寒蛩

青青水中蒲

韓退之

青青水中蒲。下有一雙魚。君今上隴去。我在與

誰居。青青水中蒲。長在冰中居。寄語浮萍草。相

隨我不如。青青水中蒲。葉短不出水。婦人不下

堂。行子在萬里。

幽懷

同

幽懷不可寫。行此春江潯。適與佳節會。士女競

光陰。凝妝耀洲渚。繁吹蕩人心。間關林中鳥。知

時為和音。豈無一樽酒。自酌還自吟。但悲時易

失。四序迭相侵。我歌君子行。視古猶視今。

公讌

曹子建

公子愛敬客。終宴不知疲。清夜遊西園。飛蓋相

追隨。明月澄清影。列宿正參差。秋蘭被長坂。朱

華冒綠池。潛魚躍清波。好鳥鳴高枝。神飈接丹

轂。輕輦隨風移。飄飄放志意。千秋長若斯。

獨酌

李太白

天若不愛酒。酒星不在天。地若不愛酒。地應無

酒泉。天地既愛酒。愛酒不愧天。已聞清比聖。復

道濁如賢。賢聖既已飲。何必求神仙。三盃通大

道。一斗合自然。但得醉中趣。勿為醒者傳。

歸田園

陶淵明

種苗在東臯。苗生滿阡陌。雖有荷鋤倦。濁酒聊

自適。日暮巾柴車。路暗光已夕。歸人望煙火。稚

子候簷隙。問君亦何為。百年會有役。但願桑麻

成。蚕月得紡績。素心正如此。開筵望三益。

和陶淵明擬古

蘇東坡

有客扣我門。繫馬門前柳。庭空鳥雀噪。門閉客

立久。主人枕書臥。夢我平生友。忽聞剝啄聲。驚

散一盃酒。倒裳起謝客。夢覺兩愧負。坐談雜今

古。不答顏愈厚。問我何處來。我來無何有。

責子

陶淵明

白髮被兩鬢。肌膚不復實。雖有五男兒。總不好
紙筆。阿舒已二八。懶惰故無匹。阿宣行志學。而
不愛文術。雍端年十三。不識六與七。通子垂九
齡。但覓梨與栗。天運苟如此。且進盃中物。

田家

柳子厚

古道饒蒺藜。紫迴古城曲。蓼花被隄岸。陂水寒
更綠。是時收穫竟。落日多樵牧。風高榆柳疎。霜
重梨棗熟。行人迷去徑。野鳥競棲宿。田翁笑相

念昏黑。慎原陸。今年幸少豐。無惡饘與粥。

○五言長篇

直中書省

謝靈運

紫殿肅陰陰。彤庭赫弘敞。風動萬年枝。日華承
露掌。玲瓏結綺錢。深沉映朱網。紅藥當堦翻。蒼
苔依砌上。茲言翔鳳池。鳴珮多清響。信美非吾
室。中園思偃仰。朋情以鬱陶。春物方貽蕩。安得
凌風翰。聊恣山水賞。

古詩

無名氏

行行重行行與君生別離相去萬餘里各在天

一涯道路阻且長會面安可期胡馬依北風越

鳥巢南枝相去日已遠衣帶日已緩浮雲蔽白

日遊子不復返思君令人老歲月忽已晚棄捐

勿復道努力加餐飯

擬古

陶淵明

東方有一士被服常不完三旬九遇食十年著

一冠辛苦無此比常有好看顏我欲觀其人晨

去越河關青松夾路生白雲宿簷端知我故來

意取琴為我彈上弦驚別鶴下弦操孤鸞願雷

就君住從今至歲寒

讀山海經

同

孟夏草木長繞屋樹扶疎衆鳥欣有托吾亦愛

吾廬既耕亦已種時還讀我書窮巷隔深轍頗

回故人車欣然酌春酒摘我園中蔬微雨從東

來好風與之俱。汎覽周王傳。流觀山海圖。俛仰終宇宙。不樂復何如。

夢李白二首

杜子美

死別已吞聲。生別常惻惻。江南瘴癘地。逐客無消息。故人入我夢。明我長相憶。恐非平生魂。路遠不可測。魂來楓林遠。魂返關塞黑。今君在羅網。何以有羽翼。落月滿屋梁。猶疑見顏色。水深波浪濶。無使蛟龍得。

又

同

浮雲終日行。遊子久不至。三夜頻夢君。情親見君意。告歸常局促。苦道來不易。江湖多風波。舟楫恐失墜。出門搔白首。苦負平生志。冠蓋滿京華。斯人獨顛顛。孰云網恢恢。將老身反累。千秋萬歲後。寂寞身後事。

贈東坡

黃山谷

江梅有佳實。託根桃李場。桃李終不言。朝露借

恩光孤芳忌皎潔。冰雪空自香。古來和鼎實。此
物升廟廊。歲月坐成晚。煙雨青已黃。得升桃李
盤。以遠初見嘗。終然不可口。擲置官道傍。但使
本根在。弃捐果何傷。

又

同

青松出澗壑。十里聞風聲。上有百尺絲。下有千
歲苓。自性得久要。為人制頽齡。小草有遠志。相
依在平生。醫和不並世。深根且固蒂。人言可醫

國。何用大早計。小大材則殊。氣味固相似。

慈烏夜啼

白樂天

慈烏失其母。啞啞吐哀音。晝夜不飛去。經年守
故株。夜夜夜半啼。聞者為沾襟。聲中如告訴。未
盡反哺心。百鳥豈無母。爾獨哀怨深。應是母慈
重。使爾悲不任。昔有吳起去。母歿喪不臨。哀哉
若此輩。其心不如禽。慈烏復慈烏。鳥中之曾參。

田家

柳子厚

公北校三 古文前集 二二三

弘化校正 古文前集 卷之五 二七

籬落隔煙火。農談四隣夕。庭際秋蛩鳴。疎麻方
寂歷。蚕絲盡輸稅。機杼空倚壁。里胥夜經過。雞
黍事筵席。各言官長峻。文字多督責。東鄉後租
期。車轍陷泥澤。公門少推恕。鞭朴恣狼籍。努力
慎經營。肌膚真可惜。迎新在此歲。惟恐踵前跡。
樂府上 無名氏

青青河畔草。絲絲思遠道。遠道不可思。夙昔夢
見之。夢見在我傍。忽覺在他鄉。他鄉各異縣。輾

轉不可見。枯桑知天風。海水知天寒。入門各自
媚。誰肯相為言。客從遠方來。遺我雙鯉魚。呼童
烹鯉魚。中有尺素書。書中竟何如。上有加餐飯
下有長相憶。陶淵明

飲酒

陶淵明

羲農去我久。舉世少復真。汲汲魯中叟。彌縫使
其淳。鳳鳥雖不至。禮樂暫得新。洙泗輟微響。漂
流逮狂秦。詩書亦何罪。一朝成灰塵。區區諸老

弘化校正 古文前集 卷之五 二七

引仙松正 古文前集 二五

翁為事誠慙。如何絕世下。六籍無一親。終日
馳車走。不見所問津。若復不快飲。空負頭上巾。
但恨多謬誤。君當恕醉人。

歸田園居

同

少無適俗韻。性本愛丘山。誤落塵網中。一去三
十年。羈鳥戀舊林。池魚思故淵。開荒南野際。守
拙歸園田。方宅十餘畝。艸屋八九間。榆柳蔭後
簷。桃李羅堂前。曖曖遠村樹。依依墟里煙。狗吠

深巷中。雞鳴桑樹顛。戶庭無塵雜。虛室有餘閑。
久在樊籠裏。復得返自然。

夏日李公見訪

杜子美

遠林暑氣薄。公子過我遊。貧居類村塢。僻近城
南樓。旁舍頗淳朴。所願亦易求。隔屋問西家。借
問有酒不。牆頭過濁醪。展席俯長流。清風左右
至。客意已驚秋。巢多衆鳥鬪。葉密鳴蟬稠。苦遭
此物聒。孰語吾廬幽。水花晚色靜。庶足充淹留。

弘治 卷三 杜子美詩集 二五

預恐罇中盡更起為君謀

贈衛八處士

同

人生不相見動如參與商今夕復何夕共此燈

燭光少壯能幾時鬢髮各已蒼訪舊半為鬼驚

呼熱中腸焉知二十載重上君子堂昔別君未

婚兒女忽成行怡然敬父執問我來何方問答

未及已兒女羅酒漿夜雨剪春韭新炊間黃粱

主稱會面難一舉累十觴十觴亦不醉感子故

意長。明日隔山岳。世事兩茫茫。

佳人

同

絕代有佳人幽居在空谷自云良家子零落依

艸木關中昔喪敗兄弟遭殺戮官高何足論不

得取骨肉世情惡衰歇萬事隨轉燭夫婿輕薄

兒新人美如玉合昏尚知時鴛鴦不獨宿但見

新人笑那聞舊人哭在山泉水清出山泉水濁

侍婢賣珠迴牽蘿補茅屋摘花不挿髮采柏動

引イ松正
古文前集
二一
盈掬天寒翠袖薄日暮倚脩竹不
韓退之

送諸葛覺往隨州讀書
韓退之

鄴侯家多書架插三萬軸一一懸牙籤新若手

未觸爲人強記覽過眼不再讀偉哉群聖書磊

落載其腹行年逾五十出守數已六京邑有舊

廬不容久食宿臺閣多官負無地寄一足我雖

官在朝氣勢日局縮屢爲丞相言雖懇不見錄

送行過漣水東望不轉自今子從之遊學問得

所欲入海觀龍魚矯翮逐黃鵠勉爲新詩章月
寄三四幅

司馬溫公獨樂園
蕪子瞻

青山在屋上流水在屋下中有五畝園花竹秀

而野花香襲杖屨竹色侵盞罍樽酒樂餘春棊

局消長夏洛陽古多士風俗猶爾雅先生卧不

出冠蓋傾洛社雖云與衆樂中有獨樂者才全

德不形所貴知我寡先生獨何事四海望陶冶

古文前集
二一

兒童誦君實走卒知司馬持此欲安歸造物不
我捨名聲逐吾輩此病天所赭撫掌笑先生年
來效啞啞

上韋左相二十韻

杜子美

鳳曆軒轅紀龍飛四十春八荒開壽域一氣轉
洪鈞霖雨思賢佐丹青憶老臣應圖求駿馬驚
代得麒麟沙汰黃河濁調和鼎鼐新韋賢初相
漢范叔已歸秦盛業今如此傳經固絕倫豫樟

深出地滄海澗無津北斗司喉舌東方領播紳
持衡留藻鑒聽履上星辰獨步才超古餘波德
照隣聰明過管輅尺牘倒陳遵豈是池中物由
來席上珍廟堂知至理風俗盡還淳才傑俱登
用愚蒙但隱倫長卿多病久子夏索居貧回首
驅流俗生涯似衆人巫咸不可問鄒魯莫容身
感激時將晚蒼茫興有神爲公歌此曲涕淚在
衣巾

寄李白

同

昔年有狂客。號爾謫仙人。筆落驚風雨。詩成泣鬼神。聲名從此大。汨沒一朝伸。文彩承殊渥。流傳必絕倫。龍舟移棹晚。獸錦奪袍新。白日來深殿。青雲滿後塵。乞歸優詔許。遇我宿心親。未負幽棲志。兼全寵辱身。劇談憐野逸。嗜酒見天真。醉舞梁園夜。行歌泗水春。才高心不展。道屈善無鄰。處士禰衡俊。諸生原憲貧。稻粱求未足。意

苾謗何頻。五嶺炎蒸地。三危放逐臣。幾年遭鵬鳥。獨泣向麒麟。蕪武先還漢。黃公豈事秦。楚筵辭醴日。梁獄上書辰。已用當時法。誰將此義陳。老吟秋月下。病起暮江濱。莫怪恩波隔。乘槎與問津。

投贈哥舒開府二十韻

同

今代麒麟閣。何人第一功。君王自神武。駕馭必英雄。開府當朝傑。論兵邁古風。先鋒百勝在。略

地兩隅空青海無傳箭天山早掛弓廉頗仍走
敵魏絳已和我每惜河湟棄新兼節制通智謀
岳睿想出入冠諸公日月低秦樹乾坤繞漢宮
胡人愁逐北死馬又從東受命邊沙遠歸來御
席空軒墀曾寵鶴敗獵舊非熊茅土如名數山
河誓始終策行遺戰伐契合動昭融勲業青冥
上交親氣槩中未為珠履客已見白頭翁壯節
初題柱生涯似轉蓬幾年春州歇今日暮途窮

軍事留孫楚行間識呂蒙防身一長劍將欲倚
崆峒

贈韋左丞

同

絳袴不餓死儒官多誤身丈人試靜聽賤子請
具陳甫昔少年日早充觀國賓讀書破萬卷下
筆如有神賦料揚雄敵詩看子建親李邕求識
面玉翰願卜隣自謂頗挺出立登要路津致君
堯舜上再使風俗淳此意竟蕭條行歌非隱倫

騎驢三十載。旅食京華春。朝扣富兒門。暮隨肥
 馬塵。殘盃與冷炙。到處潛悲辛。主上頃見徵。歛
 然欲求伸。青冥卻垂翅。蹭蹬無縱鱗。甚愧大人
 厚。甚知丈人真。每於百寮上。猥誦佳句新。竊效
 貢公喜。難甘原憲貧。焉能心怏怏。祇是走踈踈。
 今欲東入海。即將西去秦。尚憐終南山。回首清
 渭濱。常擬報一飯。况懷辭大臣。白鷗波浩蕩。萬
 里誰能馴。

醉贈張秘書

韓退之

人皆勸我酒。我若耳不聞。今日到君家。呼酒持
 勸君。為此座上客。及余各能文。君詩多態度。藹
 藹春空雲。東野動驚俗。天葩吐奇芬。張籍學古
 淡。軒昂避雞群。阿買不識字。頗知書八分。詩成
 使之寫。亦足張吾軍。所以欲得酒。為文俟其醺。
 酒味既冷冽。酒氣又氤氳。性情漸浩浩。諧笑方
 云云。此誠得酒意。餘外徒續紛。長安富兒盤

饌羅羶暈不解文字飲惟能醉紅裙雖得一餉

樂有如聚飛蚊今我及數子故無藉與薰險語

破鬼膽高詞媿皇墳至寶不雕琢神功謝鋤耨

方今向泰平元凱承華勛吾徒幸無事庶以窮

朝曛

人皆謂此詩大甚平不謂今日得此詩也

魁本大字諸儒箋解古文真寶卷之上



